


# 歷代 日記叢鈔



學苑出版社



歷代日記叢鈔

日記叢鈔

饒母楊夫人墓表

王易撰

吾友饒子伯輿既喪其匹楊夫人去書來俛曰吾妻賢生平相冀我者難僂計而今亡矣必乞吾子表誼又越乎尋常燕本未復益以憶語十數則辭切而哀信哉其慟深也蓋夫婦之道人倫之端感均於父子兄弟義介於朋友君臣而理通乎陰陽天地或不幸而折於中道不獲于唱唱以終老斯其慟也固宜矧乃周族患難顛沛之中而其誼又越乎尋常燕婉之外則一旦飲恨縱或過情庸何傷謹按狀夫人姓楊氏名競詩字菊影世籍浙江紹興先人遊宦宛平遂家焉夫人幼慧讀經史明大義兼嫻雅藝常肄業師範法政學校雋異

上人年二十二歸伯輿爲兼祧室伯輿蚤歲成進士時方貴且豐夫人未見驕侈而常以恭儉規伯輿其奉上克孝其治內有序其應世接物循理其佐伯輿處事有識斷及伯輿仕路頓躓夫人居約若素脫飾御濟困調飲食加腆曲爲謀慰藉者靡不周伯輿當違讒瀕危夫人被髮營救忘憊苦泊事解敬然不自居卒以勤勞措拄底於沒偶伯輿二十載耳嗚呼其賢若此而遇若彼伯輿深慟之哀已夫人生清光緒十九年癸巳九月三日沒民國二十三年甲戌十二月二十五日年四十有二生子二用潛用瀨女六用洋用濱用洲用渡用滬用準伯輿以明年五月二十三日葬夫人於北平香山

萬安公墓之原乃揭於墓曰  
禮婦人之名不出閫然有德象者著焉劉子政之所以傳爾  
是邦之賢媛泐其蹟於貞珉用風世而弗諼庶幾君子之意  
後之來者視此阡

食大老ヲノミテ

亡妻楊夫人傳

夫人姓楊氏競詩其名菊影其字也與予婚二十年無一日或離同遊中外幾廿萬里爲予詢問寒煖檢校文電商榷國事是非人才賢否無一不曲當吾意今吾妻死矣尙有何人足與予共天下事耶夫人性溫和無疾言驟色人有不善每曲庇之人有一善必揚言之余盛怒時必委婉舉古人名言以勸之余盛喜時必從容奉吾父遺言以戒之余妻在時余過失甚少余妻死後余過失叢脞是余妻之死余不止失一賢妻余實失一良師也余父母曰余妻賢也余子女曰余妻賢也余戚友鄰里亦莫不曰余妻賢也余妻果賢與否余不

得而知也。余妻死，余室塵垢滿矣。余園荒蕪極矣。余書籍凌雜無秩序矣。余食不知辛酸也。余衣不知冷熱也。余心憧憧。余視茫茫。吾妻使我失常度。今吾傳吾妻。吾果何所言耶？吾妻之文章已備具于吾妻之詩文矣。吾妻之學藝已備具于吾妻之日記矣。吾妻之德慧術智已備具于吾妻之墓銘墓表及庸盦臆語矣。吾妻之容貌莊麗舉止閒雅已備具。吾妻曆年影片及諸兒女哭母記矣。余無以贊一辭。余惟知吾之精神失措而已。余得余妻七十八日未焚之鉛筆日記稿。余知余妻之愛我。余尚不知余妻愛我達如是之深切矣。我愛吾妻。吾妻之知我。尚有過于我愛吾妻之程度也。吾妻死矣。



惜無以證之吾妻但吾妻死八月矣初則每夜視我一次今則每三日視我一次我問吾妻生人死人之分別吾妻置不吾答吾不得見吾妻之面貌吾妻之精神無日不在我之左右也吾兒用潛鼻以上似吾妻用濱額以下似吾妻用灑口似吾妻用準眼似吾妻用洋用渡用滬亦各得其部分之似惟用準得其精神之似吾妻持留有此子以慰老懷也謂妻孝耶固非尋常之孝有大孝存焉夫人之病由于肺炎傳之于伊父侍父疾時所傳也非大孝如何謂吾妻節耶固非尋常之節也有大節存焉如諫袁項城之稱帝阻黎黃陂之出京踰牆而救我于患難之中均非尋常女子所能及謂吾妻

仁義耶固非尋常之仁義也有大仁義存焉如出奇計以救  
黨人用妙語以解國紛今傳其略也詳則吾另有記吾妻工  
詩工文工墨彩畫工刺繡織最後又工烹飪炊膳能忍人所  
不能忍能爲人所不能爲貌似溫和其剛毅男子不能及也  
性似柔弱其堅決豪傑不能及也舉止似粥粥無他技能其  
善謀果斷威武不屈貧賤不移聖賢不能及也吾非溢美之  
辭也凡見吾妻之面者皆備知吾妻之賢也項城稱帝悍將  
五人環吾室逼吾簽字以吾妻片言而拆服也疑獄初起衛  
兵百人環吾室檢予文電以吾妻踰牆而解圍也此豈尋常  
之女子所能也吾淚已盡吾血已枯吾文亦止于此矣後之

知吾妻之賢于吾文外求之可也

饒孟任泣述

中華民國二十四年九月六日夜午

菊影訂婚後日記

乙卯年十一月二十六日丁酉 陽曆一月一日

(星期六)

今日天氣清朗余昨霄身體不爽今晨日上三竿始起浴畢  
伴家慈閒談飯後訪任君渠不在觀小說以俟之有頃任歸  
清談竟日任君待我誠厚愛我誠深每晤必雅意懇懇百計  
承順余雖有不快之色渠以溫美之言慰我使我轉悲爲喜

抑鬱滿懷未能出諸口早爲其解散矣任君誠爲天下有情  
人余生何福得遇此君

十一月二十七日戊戌 一月二日（星期日）

今日陰雲密佈細霰紛披午後去訪任君渠未至俟良久始  
來花繞四壁馨香迎鼻煖閣圍爐啜茗暢談洵可樂也四句  
鐘歸堂姊歸寧閑話有頃飯後歸去余與相第學棋二更寢  
夢魔惡作劇使我心竟不安亦余與任君愛情達于極點腦  
筋深印時刻不忘之過也

十一月二十八日 一月三日（星期一）

今日一句鐘赴弟婦母家與常烟伯母祝壽在途中與意中

人邂逅相遇余不禁兩頰飛紅心緒忐忑及至同諸姊妹閒叙渠家距護國寺甚邇遂聯袂往游至則以夕陽西墜游人星散余等亦匆匆覽畢而歸晚宴後六時携弟歸來烟伯母家庭宇宏昂亭臺園閣無一不備惜年久失修荒榛遍地腐朽不堪昔者彼爲富商因屢逢變亂商產蕩盡况男則不事生產女則不曉持家故今家事蕭條負債累累將有貧困之虞良可嘆也希富家鑒之

十一月二十九日

一月四日（星期二）

昨夜半忽寤思潮起落展轉難眠及天將曙始稍假寐八句鐘起沐畢每日讀英文少許前日與式淑姊約今日在家午



下三才ニノノトニ  
籓渠久未來余候之無奈去訪民熙處又以電話招藝妹至  
姊妹歡聚相互消笑誠一時之樂趣四時同羹姊妹式淑姊  
歸家少頃又齊赴勸業場稍游卽歸晚飯畢請姊散去余沐  
浴而後寢

十二月初一日 一月五日（星期三）

今日午後冒雪赴任君處渠謂政府將任命渠爲四川巡按  
使今晨以上辭摺深恐不准而有離別之苦况蜀爲危險之  
地革命之區今又有獨立之勢民情險詐殊不易洽辦理不  
順恐有殺身之虞其意如必赴蜀候結褵以後將余安置妥  
貼之處渠始安心而去果有不測令我輔孤養老余不以爲

然答曰我心已屬君結婚與否皆無關緊要何必一定如此君生我生君死我死蒼桑雖變心不移也渠又謂不結婚恐不得他家正當之承認如我有不測君雖殉節何人知也結婚畢再如此節婦之名亦可流芳百世余深以爲然但廻腸九轉淚下盈眶抑鬱不快久之任以好言慰我良久至快而後止

十二月初二日

一月六日（星期四）

昨宵未得安眠今朝起頗遲一時訪芸妹同彼又赴東城韻妹處路途未識至誤多行數里延誤時間余等惟急不堪三時始至韻妹處珍妹亦不期而至歡悅甚圍爐啜茗食果暢

談良久，遂謁珍妹、瀾妹、府及萬家燈火齊鳴。余始同芸妹歸，晚飯後入時餘芸妹去，余以身體疲瘁，故蜷伏于榻而又輾轉難寐，夢魂顛倒至夜深始寢。

十二月初三日 一月七日（星期五）

這幾日天色沈沈，令人殊不快。早籬後踐任君約渠告我，今晨卜課曾謂今年決不能遠出，候明春三月驛馬始動。余聞之少慰，良久忽腹痛，渠撫我慰我纏綿之意，恩愛之情，余深感之。少頃痛止，六時我欲歸，渠猶戀戀不捨，余竟亦不欲歸。但上有父母，下有弟妹，如歸遲事泄，何面目對于家庭？更何面目立于人世？余名譽今如干鈞一髮之勢，每思此汗流浹

